



pitjutitqaqtunik ihariaginirnik pivallialiuqnikkut pihimayughanik aulapkaitjutinik angikliyuummiiqtitpaktait Nunavutip nauniani tamaangani.”

Arctic Infrastructure Partners piyauhimayuq July 2013mi, havaktiuyughamik tilinikkut havaktauyughami.

"Arctic Infrastructure Partners atautiikkut Nunavut Kavamatkullu quviahuktut tiliyaami Iqalungni Nunaryuami Tingmitiqarvik Nutaanguqtirnikkut Havaktauyughaq. Ilihimayugut nappaqtinqiaqtugut tuniniaqtugullu hilitjutighanik tamainnun aullaqpaqtunun Iqalungnun Iqalungmillu uuminnga Nunaryuamun Angutihimayumik Tingmitiqarvikmik," uqaqtuq John Wood, Atannguyalluaq, Arctic Infrastructure Limited Partnership. "Taamna nutaaq timitiqarvik nakupiaqhunguyuuq aullaqtiqvikhaq Iqalungnun Nunavunmullu, unalu Nunamik Ahiruqtirnikkut Tautukniq hivulliqpaanguyuuq hilitjuti uvung nakuuyumun tilinikkut nutaamik igluqpakhamik 2017mi."

Nappaqtauyughat tamayat hanalrutillu tikittut aippaangani umiaqtuqviani hivulliillu upalungaiyautiit nappaqtirnimun aullaqtiqpaktut upin'ngakhaq 2014mi.

"Angiyut havaktauvaktut havaktauyughaq piyaangani ukunannga amigaittunin havakviinnin," uqaqtuq Minista Nunalingni Kavamatkunnilu Pivikhaqautikkut Tom Sammurtok. "Atuqnia uuminga P3 qanuriliurutimik titirauyaqnikkut, nappaqtinqikut, aulapkainikkullu uuminnga IIAIP-mik ihuatqiyauyuq qanuriliuruti havaqatigiiknikkut ukunani Arctic Infrastructure Partners takunikkut pimmarighaqnikkut timitiqarvikmi ihuarutinik, aanniqtailinirutinik, aulapkaitjutinik, ukuninngalu akikhilaarutinik tamainni havaktauyughami akinginnik.

Taamna IIAIP piniarhimayuq pimmarighaqnikkut angiklighaqnikkullu tahamaniittumik tingmititigut aullaarutikkut havagutait pimmarighaqnikkut inunnun piangaiyarnikkullu hivunighait Nunavutip nunallaanginnun.

"Nunavut niriutauyuq nauluni piangaiyarnikkut ukunani tikittughani ukiuni ukuallu aulapkaitjutit imaatut IIAIP-tut pihimayughauyuq angumatjutighatigut hivumuuningani nunaupluni," uqaqtuq Minista Pivalliyuliyiyikkut Ingilrayuliyiyitkullu George Kuksuk. "Nunavut aulahimaaqtuq havaqatigiplutit kavamatuqatkunni paannait kiuyaami ihariagiyaptinik pitjutitqaqtut piangaiyaqnikkut pivallialiuqnikkut ingilrayaanikkullu tamaani nunami quviahuktugullu uumanga P3 paannariiknimit."

Taamna Iqalungni Nunaryuami Tingmitiqarvik angmaqtauniaqtuq aullaqtiqluni auyaq nunguliqqat 2017mi.

###

